

25 MAY 1996

AGONG UTUS TAHNIAH KEPADA PRESIDEN ARGENTINA

KUALA LUMPUR, 25 Mei (Bernama) -- Yang di-Pertuan Agong Tuanku Ja'afar mengutus ucapan tahniah kepada Presiden Argentina, Dr Carlos Saul Menem sempena ulang tahun ke-186 Hari Revolusi negara itu hari ini.

Kenyataan Wisma Putra menyebut Seri Paduka bertitah berharap kemajuan dan kemakmuran rakyat Argentina akan berterusan.

Seri Paduka bertitah lawatan rasmi Menem ke Malaysia Julai ini akan meningkatkan lagi hubungan yang sedia erat dan mesra antara kedua-dua negara.

Perdana Menteri Datuk Seri Dr. Mahathir Mohamad turut mengutus ucapan yang sama kepada Menem.

Beliau berharap hubungan baik sedia ada antara kedua-dua negara akan dapat dipertingkatkan untuk kepentingan bersama.

Menteri Luar Datuk Abdullah Ahmad Badawi juga mengutus ucapan yang serupa kepada rakan sejawatannya Dr. Guido Di Tella.

-- BERNAMA

RIZ AHH